

A nosa ref: Turismo

Asunto: aprobación das bases para a posta a disposición de cabanas castrexas durante a celebración da V Romaría galaico romana "Galaicoi"

Expediente: 2022/G003/001058

RESOLUCIÓN DE ALCLADÍA

Visrto que os concellos teñen competencias en materia de información e promoción da actividade turística de interese e eido local e na protección e xestión do patrimonio histórico, conforme se estipula no artigo 25.2. h) e a) da Lei 7/1985, de 2 de abril, reguladora das bases de Réxime local, modificada pola Lei 27/2013 de 27 de decembro, de Racionalización e sustentabilidade da administración local, e que teñen igualmente competencias na materia de ocupación do tempo de lecer e promoción da cultura, segundo se establece no artigo 25.2. l) e m) da mesma norma, poñéndose en marcha con esta base competencial no ano 2016, a través da Concellería de Cultura, Tradicións Populares e Deportes, a romaría galaico - romana "Galaicoi".

Visto que a "Galaicoi" deseñouse como unha actividade festiva que pretende conxugar o concepto de romaría popular galega coa realización de actividades arqueolóxico - históricas, a través da adecuación da contorna e da reprodución dos modos de vida da época de convivencia entre castrexos e romanos con diversas actividades de recreación e dramatización, tendo como obxectivo final transmitir a importancia do patrimonio arqueolóxico do núcleo de Cambre, mesmo ao supoñer o descubrimento para moita da veciñanza do municipio que participa nela dunha das partes fundamentais deste patrimonio, o Castromaior.

Visto que un dos elementos característicos da "Galaicoi" é a participación continuada do movemento asociativo veciñal de Cambre, por medio da súa implicación no desenvolvemento da romaría, e que as asociacións veciñais veñen xogando un papel fundamental no crecente éxito da romaría, xa que a mediante a súa presenza e coas actividades que desenvolven con ocasión da romaría contribúen a dinamizar este evento e a complementar as restantes actividades promovidas dende o Concello.

Visto que a singularidade da romaría galaico romana "Galaicoi" radica, por unha banda, no seu emprego como medio para dar a coñecer á veciñanza de Cambre parte do seu patrimonio "semi esquecido", aspecto que se logra mediante a instalación de cabanas e dun poboado castrexo no Castromaior e, por outra banda, na activa participación das asociacións de veciños e veciñas do Concello, auténticas protagonistas da romaría e que realizan gran parte das súas actividades anuais enfocadas á "Galaicoi", catalizadora de moitas das súas iniciativas (preparación de roupas, escudos, ferramentas, adornos, armas, etc).

Visto que as asociacións veciñais procedentes de diferentes parroquias do Concello asisten, caracterizadas maioritariamente de castrexas/os ou galaicos/as á Galaicoi, asentándose no Castromaior durante os días de celebración da romaría, e que fan por medio da súa participación continuada unha aportación que contribúe á satisfacción dos intereses xerais dos veciños e colaboran e complementan as actividades culturais e que en materia de ocupación do tempo libre son organizadas polo propio Concello con ocasión da "Galaicoi".

Vista a Resolución de Alcaldía nº 803/2022 do 5 de maio do presente pola que se aprobou a actividade, desenvolvemento e orzamento da V romaría galaico romana 2022 "Galaicoi" durante os días 15, 16 e 17 de xullo de 2022.

Visto que unha parte moi significativa das actividades previstas na "Galaicoi" realizaranse no Castromaior, base da área galaica ou castrexa de recreación, no que se situarán cabanas, obradoiros e diversos equipamentos castrexos, para reproducir un castro e dar a coñecer a forma de vida na Idade de Ferro, e que entre as prestacións obxecto de contratación para o desenvolvemento da romaría está a subministración de pallozas castrexas (entre 25 e 30 unidades), para empregar por parte das asociacións do Concello, constituindo estas xa un elemento característico e propio da "Galaicoi", necesario para o seu éxito.

Visto o informe proposta da aprobación das bases para a posta a disposición de cabanas castrexas durante a celebración da **V Romaría galaico romana "Galaicoi"** de data 1 de xuño de 2022, asinado polo técnico de promoción económica e co visto e prace da responsable da Axencia de Desenvolvemento Local e do Concelleiro coa delegación especial dos servizos de Turismo e Patrimonio, no que se contemplaba que ante o elevado e crecente número de solicitudes que se veñen recibindo para participar na "Galaicoi" e, mais concretamente, para gozar das cabanas castrexas coas que o Concello acondiciona o Castromair resulta aconsellable fixar uns criterios xerais de aplicación ás entidades solicitantes de cabanas na tramitación e resolución das súas peticións, garantindo o cumprimento dos principios de igualdade, oportunidade e non discriminación

Tendo en conta que por Resolución núm. 1323/2019, do 1 de xullo, quedou reservada a Alcaldía a dirección da Área de Presidencia e o exercicio das competencias relacionadas coas materias atribuídas á dita área, entre as que están as correspondentes a Turismo e Patrimonio, **RESOLVO:**

Primeiro: aprobar as bases para a posta a disposición de cabanas castrexas durante a celebración da **V Romaría galaico romana "Galaicoi"**.

1.- Obxecto das bases

O obxecto das presentes bases é regular o procedemento de solicitude e posta a disposición das cabanas castrexas coas que conte o concello de Cambre na V edición de celebración da romaría galaico romana "Galaicoi".

A posta a disposición das cabanas castrexas quedará condicionada, en todo caso, á dispoñibilidade efectiva por parte do concello de Cambre das mesmas, cancelándose o procedemento de posta a disposición no caso de que non se puidera contar con elas.

O concello de Cambre poderá reservarse o uso das cabanas castrexas que precise para proporcionar os servizos necesarios para o desenvolvemento da romaría "Galaicoi" (protección civil, organización, campañas institucionais, etc.)

2.- Ubicación das cabanas castrexas

As cabanas castrexas situaranse no Castromaior de Cambre, reproducindo na medida do posible a estrutura dun castro, nas ubicacións finais designadas polo Concello, sobre unha superficie total de aproximadamente 3.000 m².

3.- Entidades e persoas beneficiarias

Poderán solicitar cabanas castrexas as persoas xurídicas (asociacións, fundacións, organizacións non gubernamentais, agrupacións políticas, etc.) xuridicamente constituídas e inscritas no rexistro correspondente e as persoas físicas (particulares).

As solicitudes de cabanas castrexas deberán presentarse para cada anualidade, xa que o feito de ter participado en edicións previas da romaría non da dereito a dispoñer de cabana para a edición do 2022.

4.- Forma de presentación das solicitudes

As solicitudes deberán presentarse debidamente cubertas e asinadas no prazo establecido nas presentes bases:

- Na sede electrónica do concello de Cambre (varios):
<https://sede.cambre.es/opencms/gl/procedimientosytramites/index.html#varios>.

- Ou en en calquera dos rexistros do concello de Cambre:
 - Casa Consistorial, rúa Adro, s/n, de 09:00 a 14:00 horas.
 - Servizos Múltiples do Temple, rúa Tapia, 3 (O Temple), de 8:30 a 11:00 horas.
 - A Barcala, rúa Río Barcés, 6 - 8 (A Barcala), de 12:00 a 14:00 horas.

Non se admitirán solicitudes que non se realicen a través da sede electrónica do concello de Cambre ou nalgún dos rexistros municipais.

Unha mesma entidade ou persoa non poderá presenta mais de unha solicitude.

5.- Prazo de presentación das solicitudes

As solicitudes poderán presentarse entre os días 3 de xuño e 1 de xullo de 2022, ambos incluídos.

No caso de recibirse solicitudes fóra do prazo establecido, estas incluíranse por rigorosa orde de recepción nunha listaxe de agarda, a continuación das solicitudes recibidas en prazo.

As entidades e persoas que figuren na listaxe de agarda poderán dispoñer de cabanas no caso de baixa das entidades ou particulares inicialmente asignadas para ocupalas. Esta circunstancia comunicárase a través dunha chamada telefónica e mensaxe ao móbil ou correo electrónico, debendo ser respondida ese mesmo día.

No caso de que a entidade ou persoa en listaxe de agarda non quixera dispoñer da cabana nese momento, deberá comunicar a súa renuncia por escrito ao Concello mediante un correo electrónico remitido ao enderezo adl@cambre.org, coa finalidade de poder continuar avanzando coa listaxe de agarda.

6.- Documentación a presentar coa solicitudes

As solicitudes deberán presentarse debidamente cubertas e asinadas pola persoa interesada, ou por quen ostente a súa representación, no modelo "Solicitud" que figura como **anexo I** a estas bases reguladoras, e deberán ir acompañadas da seguinte documentación:

- Copia do NIF da entidade ou do DNI, NIE ou pasaporte da persoa solicitante, **no caso de asociacións ou entidades non inscritas nos rexistros municipais, no caso de persoas físicas non empadroadas en Cambre ou no caso de non autorizar a súa consulta de oficio.**
- Declaración responsable e autorizacións, segundo o modelo do **anexo II**, contendo a autorización ao Concello para consultar de oficio a inscrición nos rexistros de titularidade municipal ou no padrón municipal. No caso de non conceder estas autorizacións, deberán aportarse certificados de inscrición nos rexistros de titularidade municipal ou informes/certificados de empadroamento no concello de Cambre de ser requiridos estes.

7.- Autorizacións

- Para axilizar a tramitación das solicitudes, a inscrición das asociacións e entidades en rexistros de titularidade municipal e a condición de empadroado/a no concello de Cambre, poderá comprobarase de oficio polo persoal municipal.
- A solicitude de cabanas comportará a autorización pola entidade ou persoa interesada ao órgano xestor:
 - Para comprobar de oficio a inscrición nos rexistros municipais de entidades.
 - Para comprobar de oficio a inscrición no padrón municipal.
- Mediante a presentación da solicitude de cabanas castrexas a entidade ou persoa interesada dá autorización expresa ao concello de Cambre para incluír e facer públicos os datos relevantes referidos á posta a disposición. De acordo co disposto na Lei orgánica 3/2018 de protección de datos de carácter persoal e garantía dos dereitos

dixitais, os datos facilitados serán tratados pola Entidade Local coa finalidade de poder atender a solicitude. Os devanditos datos serán tratados de xeito confidencial, e só poderán ser cedidos nos casos contemplados na Lei. Os dereitos de acceso, rectificación, supresión, oposición, limitación ao tratamento e portabilidade dos datos poden exercerse usando o formulario de contacto da Sede Electrónica do concello de Cambre.

- Previa a posta a disposición das cabanas, poderá solicitarse á entidade ou persoa solicitante cantos documentos, informes ou aclaracións complementarios considere oportunos e particularmente, cando non obren en poder do Concello:
 - Copia do NIF da entidade ou do DNI, NIE ou pasaporte da persoa solicitante.
 - Documentación que acredite a capacidade da persoa que actúe como representante legal da entidade para actuar no seu nome e representación (certificados de nomeamento, apoderamentos, etc.).
 - Fotocopia da escritura de constitución, acta fundacional ou documento equivalente, no caso de persoas xurídicas, da acreditación da inscrición no rexistro correspondente, ou calquera outra documentación acreditativa da personalidade xurídica.

8.- Procedemento e criterios de posta a disposición

Para a posta a disposición das cabanas dispoñibles no ano 2022 avaliaranse as solicitudes recibidas, dándolle prioridade ás correspondentes ás **asociacións e entidades**, de conformidade cos seguintes criterios:

- En primeiro lugar, avaliaranse as solicitudes presentadas por parte de **asociacións e entidades**, e dentro destas, as solicitudes recibidas ordenaranse empregando os seguintes criterios:
 - Solicitudes de entidades ou colectivos que teñan o seu domicilio social en Cambre: 5 puntos.
 - Solicitudes de entidades ou colectivos que teñan participado en edicións anteriores da romaría “*Galaicoi*”: 0,5 puntos por cada edición, ata un máximo de 2 puntos.
 - No caso de empate unha vez aplicados os criterios anteriores, utilizarase o criterio da orde de rexistro de entrada da solicitude.
- Avaliadas as solicitudes presentadas por asociacións e entidades, avaliaranse as presentadas por **particulares**, empregando os seguintes criterios:
 - Solicitudes de particulares empadroados/as no concello de Cambre: 2 puntos.
 - Solicitudes de particulares que teñan participado en edicións anteriores da romaría “*Galaicoi*”: 0,25 puntos por cada edición, ata un máximo de 1 punto.
 - No caso de empate unha vez aplicados os criterios anteriores, utilizarase o criterio da orde de rexistro de entrada da solicitude.

9.- Condicións de adxudicación das cabanas

Unha vez avaliadas e ordenadas as solicitudes recibidas, as cabanas asignaranse polo concelleiro coa delegación especial dos servizos de Turismo e Patrimonio entre as solicitudes recibidas. Na designación das ubicacións finais respectaranse, de ser posible, os emprazamentos de edicións anteriores.

A relación coas cabanas castrexas asignadas e a listaxe de agarda publicarase no taboleiro de anuncios do Concello e na páxina web municipal.

As cabanas castrexas poranse a disposición de forma individual entre os colectivos, entidades e persoas solicitantes, sen custe algún para os mesmos, de conformidade cos criterios que se establecen na base anterior.

Do mesmo xeito, poranse a disposición das entidades e particulares alpacas e taboleiros cos que confeccionar mesas e cadeiras para o caso de que as solicitudes recibidas superen o número de cabanas coas que finalmente se conte.

10.- Obrigas do Concello

- Realizar os traballos necesarios para garantir o uso das cabanas castrexas das que dispoña en 2022 para as entidades e persoas solicitantes.
- Poñer a disposición das entidades e persoas beneficiarias as cabanas castrexas das que poidan dispoñer en 2022.
- Poñer a disposición das entidades e persoas beneficiarias puntos de auga para a subministración das cabanas castrexas durante a celebración da romaría galaico romana "Galaicoi".
- Poñer a disposición das entidades e persoas beneficiarias puntos de recollida de lixo para a limpeza diaria e final das cabanas.
- Nin as entidades beneficiarias nin os usuarios potenciais das cabanas estarán en relación de dependencia co Concello, polo que este non se fai responsable, nin directa nin subsidiariamente, dos danos, tanto materiais como persoais ou morais que, por acción ou omisión de calquera clase, poidan producirse dentro das cabanas.

11.- Obrigas das entidades ou persoas beneficiarias

- Participar activamente na romaría galaico romana "Galaicoi" durante os tres días da súa celebración.
- Adornar as cabanas castrexas con adornos acordes coa época castrexa que se pretende recrear durante a celebración da romaría galaico romana "Galaicoi".
- Acudir debidamente caracterizadas conforme á temática galaico castrexa da "Galaicoi".
- Coidar das cabanas castrexas, da súa limpeza e orde, comportándose co debido civismo.
- Limpar, despois do seu uso diario, e depositar o lixo nos contedores habilitados ao efecto polo Concello, deixando as cabanas en idéntico estado ao da súa recepción.
- Poñer en coñecemento do concello de Cambre calquera deficiencia ou deterioración nas cabanas que advertisen de forma inmediata.
- Solicitar o oportuno informe de valoración aos servizos técnicos municipais no suposto de que se lles tivesen producido danos as cabanas.
- Responder dos danos e perdas que polo seu dolo ou negligencia se ocasionen nas cabanas.
- Aplicar as medidas que con respecto á seguridade, control de aforos ou hixiene puidesen ditar as autoridades competentes e estivesen vixentes no momento de celebración da romaría.

12.- Actos prohibidos

As entidades e persoas usuarias das cabanas castrexas deberán axustar a súa actividade ás seguintes prohibicións:

- Non se autorizará a entrada nas cabanas castrexa de ningún tipo de animais, a excepción dos cans - guía debidamente identificados.
- Non se permite realizar actividades molestas e/ou que impidan a outras entidades ou persoas usuarias o normal desenvolvemento das súas actividades.
- Queda expresamente prohibido fumar no interior das casetas castrexas.
- Está prohibido o cobramento, por parte das entidades ou particulares usuarios/as de calquera tipo de entrada ou "ticket" para poder gozar das cabanas castrexas.
- As entidades ou particulares usuarios/as non poderán ceder o uso a terceiros, nin sequera temporalmente, de todo ou parte da cabana castrexa posta á súa disposición.

13.- Causas de revogación da posta a disposición

Serán causas de revogación da posta a disposición das cabanas castrexas:

- A realización de calquera das condutas recollidas na base anterior.

- A realización de actividades que podan supoñer un risco ou ameazar a integridade dos participantes e visitantes á Romaría.
- O incumprimento das normas da actividade ou das directrices dos responsables da romaría, especialmente en materia de seguridade, hixiene e control de aforos.

14.- Normativa aplicable

A participación no procedemento de posta a disposición das cabanas castrexas regulado polas presentes bases supón o acatamento das mesmas. O feito de asinar a solicitude de posta a disposición implica a aceptacións das presentes bases, incluíndo o tratamento de datos de carácter persoal e imaxes segundo a lexislación vixente.

En calquera caso, e de maneira supletoria e sempre en canto non entre en contradición coas presentes bases, esta actividade rexerese pola ordenanza reguladora da cesión do uso de edificios, locais e instalacións municipais a Asociacións Veciñais publicada no BOP núm. 194 do 25 de agosto de 2003 e pola ordenanza reguladora da inscrición das persoas participantes nos programas de actividades do concello de Cambre publicada no BOP núm. 31 do 30 de abril de 2014 (modificación BOP nº 112 do 14/06/2016).



ANEXO I: SOLICITUDE CABANAS CASTREXAS



ENTIDADE OU PERSOA SOLICITANTE

Razón social (entidades)		C.I.F.	
Apelidos e nome (particulares)		D.N./N.I.E.	
Enderezo			
C.P.	Localidade	Provincia	
Teléfono		Correo electrónico	
Domicilio / empadramento		Entidade domiciliada en Cambre	<input type="checkbox"/> SI <input type="checkbox"/> NON
		Particular empadroad/a en Cambre	<input type="checkbox"/> SI <input type="checkbox"/> NON

TIPO DE ENTIDADE

<input type="checkbox"/> Asociación	<input type="checkbox"/> Fundación	<input type="checkbox"/> Agrupación política	<input type="checkbox"/> ONG
<input type="checkbox"/> Outras (indicar)			

DATOS DO/A REPRESENTANTE LEGAL

Apelidos e nome	D.N./N.I.E.
-----------------	-------------

ENDEREZO ELÉCTÓNICO HABILITADO A EFECTOS DE NOTIFICACIÓNS

Enderezo electrónico habilitado a efectos de notificacións	
--	--

PARTICIPACIÓN EN EDICIÓNS ANTERIORES DA ROMARÍA GALAICO ROMANA "GALAICOI"

Ten participado cunha cabana en edicións anteriores da Romaría	<input type="checkbox"/> SI <input type="checkbox"/> NON
Edicións nas que participou (anos)	

DOCUMENTACIÓN QUE SE ACHEGA

<input type="checkbox"/> Copia do DNI, NIE ou NIF da entidade (de non obrar en poder do Concello)
<input type="checkbox"/> Declaración responsable e autorizacións (anexo II)
<input type="checkbox"/> Outra documentación (especificar)

Sr. alcalde do Concello de Cambre

Quen subscribe, e despois de **coñecer e aceptar as bases para a posta a disposición de cabanas castrexas durante a celebración da romaría galaico romana "Galaicoi"** do concello de Cambre, **solicita** a posta a disposición da correspondente cabana castrexa, de acordo co especificado nas bases desta convocatoria, **e declara que son certos todos os datos do presente documento.**

Cambre, de de 2022

Asdo,

De acordo co disposto na Lei orgánica 3/2018 de protección de datos de carácter persoal e garantía dos dereitos dixitais, os datos facilitados serán tratados pola Entidade Local coa finalidade de poder atender á súa solicitude. Os devanditos datos serán tratados de xeito confidencial, e só poderán ser cedidos nos casos contemplados na Lei. Comunicámoslle que pode exercer os dereitos de acceso, rectificación, supresión, oposición, limitación ao tratamento e portabilidade dos seus datos, usando o formulario de contacto da Sede Electrónica do concello de Cambre



ANEXO II: DECLARACIÓN RESPONSABLE



ENTIDADE OU PERSOA SOLICITANTE

Don / dona		con D.N.I / N.I.E.	
En nome e representación de (razón social)		con C.I. F.	

DECLARA RESPONSABLEMENTE

- Que reúne as condicións para ser beneficiaria de acordo co establecido nas bases da convocatoria.
- Que todos os datos que constan na solicitude e nos documentos que se xuntan son certos.**

AUTORIZA

- A presentación da presente solicitude comporta a autorización ao concello de Cambre para comprobar de oficio que a asociación / entidade solicitante esta inscrita nalgún dos rexistros municipais existentes.
- A presentación da presente solicitude comporta a autorización ao concello de Cambre para comprobar de oficio que a persoa solicitante estea inscrita no padrón municipal.
- A presentación da presente solicitude comporta a autorización ao concello de Cambre, no suposto de ter a condición de usuario/a dunha cabana, para realizar as actuacións de comprobación e seguimento necesarias para poder acreditar o cumprimento da finalidade perseguida coa presente convocatoria.

COMPROMÉTESE, NO CASO DE DISPOÑER DUNHA CABANA CASTREXA

- A participar activamente na romaría galaico romana "Galaicoi" durante a súa celebración.
- A decorar a cabana castrexa con adornos acordes coa época castrexa que se pretende recrear.
- A procurar que os/as membros da entidade ou grupo acudan debidamente caracterizados conforme á temática galaico castrexa do espazo do Castromaior.
- A coidar da cabana, da súa limpeza e orde, comportándose co debido civismo e limpando e depositando o lixo xenerado nos contedores habilitados ao efecto polo Concello.
- A poñer en coñecemento do Concello calquera deficiencia, deterioro ou danos sufridos nas cabanas no momento en que se coñeza.
- A adoptar as medidas que con respecto á seguridade, control de aforos ou hixiene puidesen dital as autoridades competentes e estivesen vixentes no momento de celebración da romaría.
- A non realizar actividades molestas e/ou que impidan a outras entidades ou persoas usuarias o normal desenvolvemento das súas actividades.
- A aceptar as bases que rexen a presente convocatoria.

Cambre, de de 2022	<p>Advírteselle de que, consoante co disposto no artigo 69.4 da Lei 39/2015, do 1 de outubro, do procedemento administrativo común das administracións públicas, "A inexactitude, falsidade ou omisión, de carácter esencial, de calquera dato ou información que se incorpore a unha declaración responsable ou a unha comunicación, ou a non presentación ante a Administración competente da declaración responsable, a documentación que sexa no seu caso requirida para acreditar o cumprimento do declarado, ou a comunicación, determinará a imposibilidade de continuar co exercicio do dereito ou actividade afectada desde o momento en que se teña constancia de tales feitos, sen prexuízo das responsabilidades penais, civís ou administrativas a que houbera lugar. Asemade, a resolución da administración pública que declare tales circunstancias poderá determinar a obriga do interesado de restituír a situación xurídica ao momento previo ao recoñecemento ou ao exercicio do dereito ou ao inicio da actividade correspondente, así como a imposibilidade de instar un novo procedemento co mesmo obxecto durante un período de tempo determinado pola lei, todo elo conforme aos termos establecidos nas normas sectoriais de aplicación."</p>
Asdo,	

De acordo co disposto na Lei orgánica 3/2018 de protección de datos de carácter persoal e garantía dos dereitos dixitais, os datos facilitados serán tratados pola Entidade Local coa finalidade de poder atender á súa solicitude. Os devanditos datos serán tratados de xeito confidencial, e só poderán ser cedidos nos casos contemplados na Lei. Comunicámoslle que pode exercer os dereitos de acceso, rectificación, supresión, oposición, limitación ao tratamento e potabilidade dos seus datos, usando o formulario de contacto da Sede Electrónica do concello de Cambre



Segundo: publicar as presentes bases no taboleiro de anuncios e na páxina web do Concello de Cambre.

Cambre na data da sinatura electrónica

O alcalde
Óscar A. García Patiño

Dou fe
A secretaria accidental
Verónica María Otero López